

ՄԻՍԻՈՆԵՐՆԵՐԸ ԵՒ ՆՐԱՆՑ ԾԱԽԱԼԱԾ
ԼՈՒՍԱՀՈՐԱԿԱՆ-ԿՐԹԱԿԱՆ
ԳՈՐԾՈՒՆՔՈՒԹԻՒՆԸ ԱՐԵՒՄՏԵԱՆ
ՀԱՅԱՍՏԱՆՈՒՄ ԵՒ ԹՈՒՐՔԻԱՅԻ ՀԱՅԱԾԱՏ
ԲՆԱԿԱՎԱՅՐԵՐՈՒՄ (1850-1920 թթ.)

ԺԹ. դարի երկրորդ կէսի եւ հ. դարի առաջին երկու
տասնամեակների արեւմտահայ դպրոցի եւ մանկավարժական մրտ-
քի ընդհանուր համայնապատկերը ներկայացնող ուսումնասիրու-
թիւնները կը լինեն թերի, եթէ անտես առնուի արեւմտեան մի-
սիոններների ծաւալած լուսաւորական-կրթական գործունէութիւ-
նը կոստանդնուպոլսում, Արեւմտեան Հայաստանում, Թուրքիայի
Հայաշատ բնակավայրերում եւ այլուր:

Իրենց ուսումնափրութիւններում այս հարցին տարբեր ժա-
մանակներում, տարբեր առիթներով եւ տարակարծիք մեկնարանու-
թիւններով անդրադարձել են Մ. Օրմանեանը¹, Ա. Երիցեանը²,
Ե. Քասունին³, Ա. Ալպոյանեանը⁴, Հ. Սուաճեանը⁵, Մ. Նալբան-
դեանը⁶, Ա. Զօպանեանը⁷, Մ. Ճիզմենեանը⁸, Ազոն⁹, Մ. Գասպար-
եանը¹⁰, Լ. Չորմիսեանը¹¹, Գր. Նազիկեանը¹² եւ ուրիշներ:

¹ Մ. ՕՐՄԱՆԵԱՆ, Հայոց եկեղեցին եւ իր պատմութիւնը, Գ. Պոլիս, 1911:

² Ա. ԵՐԻՑԵԱՆ, Տանկաստանի հայոց իրաւունքներն ու նոցա Սահմանա-
դրութիւնը, «Փորձ», Տփղիս, 1876, -1, էջ 378, -2, էջ 177:

³ Ե. ՔԱՍՈՒՆԻՆ, Լուսաշախի պատմութեան հայ անտարանական շարժ-
ման, 1846-1946, Բէյրութ, Լիբանան, 1947, էջ Ժ-ԺԱ, Գ:

⁴ Ա. ԱԼՊՈՅԱՆԵԱՆ, Պատմութիւն հայ դպրոցի, Հ. Ա. Գահիրէ, 1937, էջ
568, աղջի՝ Պատմութիւն Նեղովիոյ հայոց, Կահիրէ, 1947, էջ 833, 853, 897
եւ այլն:

⁵ Հ. ՍՈՒԱՃԵԱՆ, Հրապարակախօսութիւն (կազմեց, խմբագրեց եւ առաջա-
րանը գրեց Մահակ Բաղեան), Երեւան, 1960, էջ 155; 1953, էջ 399, 400, 547,
550:

⁶ Մ. ՆԱԶԻԿԵԱՆԴԻԵԱՆ, Ընտիր երկեր, Երեւան, 1953, էջ 399, 400, 547, 550:

Հարցի կարեւորութիւնը նշանաւորւում է այն առօւմով, որ գաւառների կիսաքանդ, թշուառ, աղքատ ու ողորմելի զպրոցների կողքին օրեցօր աւելանում էին եւրոպական միսիոներ-քարոզիչների բարեկարգ ու շքեղ դպրոցները, որտեղ յաճախում էին նաև բաւական մեծ թուով հայ մասնակներ՝ ստանալով օտար կորթութիւն եւ դաստիարակութիւն։ Եւրոպական միսիոներները փարում էին մարդու հոգին ու միտքը որսալու քաղաքականութիւն եւ, սնգուրուած բարեգործ-լուսաւորչի քողի տակ, հետապնդում էին քաղաքական որշակի նպատակներ եւ քայլ առ քայլ մեծացնում էին իրենց գործունէութեան շրջանակները։

Իբրև դաւանարանական, քաղաքական ծրագրային գաղափարների իրագործման կենտրոն՝ նրանք ընտրել էին Կոստանդնուպոլիսը, քանի որ այստեղ էր գտնուում արեւմտահայ մտքի ընտրանին։ Օգտագործելով ժողովրդի սոցիալ-տնտեսական անմիջաթար զիճակը՝ նրանք Կ. Պոլսում, Արեւմտական Հայաստանի գաւառներում, թուրքիայի հայաշատ կենտրոններում հիմնում էին իրենց յարմարաւէտ ու բարեկարգ զպրոցները։ Հրահրելով դաւանարանական վիճեր՝ արգէն նրանց յաջողուել էր պառակտել արեւմտահայ կաթոլիկ ու բողոքական համայնքները եւ վտանգել նրանց հետագայ միասնութիւնը։

1834 թուականին միսիոներները Կ. Պոլսի Բերա թաղամասում հիմնեցին իրենց առաջին դպրոցը՝ օրիորդաց յասուկ բաժանմունքով⁷։ Նրանք հայ բնակչութեանը, կղերականներին ու մըշակոյթի գործիչներին գալթակղիչ խոստումներով հրապուրում

⁷ Ա. 20ՊԱ.ՆԵԱՆ, «Անահիտ», Փարիզ, 1905, թիւ 2, էջ 41-43։

⁸ Մ. ՃԽԶԵՃԵԱՆ, Խարբերդ եւ իր գաւակները, Ֆրեզնո, Կալիֆորնիա, 1955, էջ 109։

⁹ Լ. Հայոց պատմութեան նորագոյն շրջան, մասն 2, Երեւան, 1927, էջ 297-298 (Ճեռագրի իրաւունքով)։

¹⁰ Մ. ԳԱ.ՍՊԱՐԵԱՆ, Հայերը Նիկոմիդիա գաւառին մէջ, Պարտիզակ, 1913, էջ 133-134, 141։

¹¹ Լ. ԶՈՐՄԻՍԵԱՆ, Համապատկեր արեւմտահայոց մէկ դարու պատմութեան, Ա. Հասար, (1850-1857), Պէյրութ, 1972, էջ 497-519։

¹² Գր. ՆԱԶԻԿԵԱՆ, Արեւմտահայ մանկավարժական միտքն ու դպրոցը (19-րդ դարի սկզբից մինչև 19-րդ դարի 50-60-ական թուականները), Երեւան, 1969, էջ 158-180։

¹³ Գ. ՆԱԶԻԿԵԱՆ, նշ. աշխ., էջ 162։

էին բարենորդել հայ եկեղեցին, դպրոցները եւ տարածել լուսաւորութիւն:

ԺԹ. գարի սկզբներին արեւմտահայերը դեռևս չունէին գիշերօթիկ դպրոցներ, որտեղ կազմակերպուէք եւ իրականացուէք որը եւ անապատան երեխաների դաստիարակութեան ու կրթութեան գործը: Այս հանգամանքը չէր վրիպել եւրոպական միսիոներների տեսադաշտից: Օգտագործելով առիթը՝ նրանք փութաջանօրէն հիմնեցին գիշերօթիկ դպրոցներ եւ ձեռնամուխ եղան հայ պատանիներին ու աղջիկներին իրենց ոգով դաստիարակելու եւ կրթելու գործին:

Միանգամայն հասկանալի է, որ թուրքական կառավարութիւններին շատ ձեռնատու էր միախաններների եւ դրսի միջամտութեամբ հայերի մէջ ծագած կրօնական ու դաւանաբանական իրարամերժ վէճերն ու անպատուզ պայքարը, քանի որ այս ճանապարհով հնարաւոր էր զառնում մի կողմից սիրաշահել մեծ տէրութիւններին, իսկ միւս կողմից՝ հայ առաջադէմ միտքը շեղել հասարակական-քաղաքական եւ ազգային-ազատագրական պայքարից: Այդ մասին եղիշէ Մելիքեանն ունի հետաքրքիր գիտարկում. «Թուրք բռնակալութիւնը՝ եւս նպաստաւոր հող ատեղծած էր բռղութականութեան համար, Սուլթան Համբարի գահակալութեան օրով (1876-1909 թթ.) Հայ բռղութականները սկսած էին Հայ անունը իրենց վրայէն տեսակ մը վերցնել, անոր տեղ զգենալով «փրօքարան միլլեթ»-ի անունը, իսկ եթէ կային բռղութականներ, որ այս շրենքը ուրացումին, ուժացումին չէին հանդուրժեր, անոնք առաւելապէս կու գային Հայ յաղափոխականներու հետևողներէն»¹⁴:

Այսպիսով ԺԹ. գարի երկրորդ հէսին հայ իրականութեան մէջ բազմաթիւ չլածուած ինտիրների կողմին աւելանում էր նաև հայ մանուկների՝ ոչ հայկական վարժարաններում ուսանելու խնդիրը, որը, ըստ էութեան, իրենից ներկայացնում էր ոչ պակաս վտանգաւորութիւն ազգային միասնութեան պառակտման, ազգային գիմագիծը եւ ինքնութիւնը կորցնելու համար: Այն միտումը, որ ծնողները ինչ-ինչ հանգամանքներից զրդուած նախապատուաթիւնը տալիս էին օտար ուսուցմանը եւ այն գերադասում էին հայկականից, ակնյայտ երեւում էր: «Լիակատար

¹⁴ Եղիշէ Յ. Մելիքիքիսյան, Վիճակագիր Խնուս (Հարք) գաւառի և բռնդրակեցոց աղանդին և բռղութականութեան կապը ի Խնուս, Նիւ Եորք, 1943, էջ 30-31:

համոզութեավ կարելի է ասել,- գրում է Ա. Կոլյիւրակինը,- որ ծայրայեղ կարիքն է հարկադրում հայերին իրենց երեխաներին ամերիկան դպրոցներ տալու»¹⁵: Հայ առաջադէմ մտաւորականները լայն քննարկման նիւթ էին գարձրել այս իրողութիւնը՝ այդ նպատակով օգտագործելով ժամանակի մամուլը և հրապարակագրութիւնը, անսքող զայրոյթով նրանք դատապարտում էին ազգային կեանքում օրշասորչ արմատաւորուող այս վտանգայարոցը երեւոյթը եւ այն ներկայացնում հանրութեան դատին: Իրեն յատուկ անշառութեամբ իր պարսաւանքի եւ արդարացի բողոքի խօսքն ուղղելով ամերիկան միսիոներին՝ Հ. Մվաճեանը յայտարարում է. «Հայ ազգը թէեւ այսօր խնդի ու հարստահարեալ, անոնք ու անքիկունք, բայց վատութիւն կը համարի այսպիսի միսիոնական և ինքնահաւան օգնուաց կամ բարեկարգչաց առջեւ իր ազատ գլուխը խոնարհենու և պատառ մը հացի համար ալ իր խիլճն ու ազատ բանականութիւնը վախանելու»¹⁶: Հայ առաջադէմ մտածողները ջանքեր չէին խնայում դիմագերծելու արեւմտեան միսիոների «խարեական նպատակով» պառակտիչ գործունէութիւնը՝ կեանքի կոչելով Հայ ժողովրդի գարաւոր մշակոյթն ու կրթական աւանդոյթները¹⁷: Ամէն մի ժողովուրդ ունի իր ապրելու իւրակերպութիւնը, հետեւաբար՝ պէտք է կրթել այնպիսի սերունդ, որը սիրի Հայ կեանքն ու աւանդոյթը, իր եկեղեցին ու բարքերը Միայն այս կերպ հնարաւոր կը լինի պահպանել Հայի էթնիկ նկարագիրը:

Եւրոպական երկրների եւ Միացեալ Նահանգների կրօնական եւ կրթական տարրեր կազմակերպութիւններ Օսմանեան կայսրութեան խոչոր քաղաքներում հիմնել էին օտար վարժարաններ¹⁸, որոնք պահւում էին այդ երկրների պետական միջոց-

¹⁵ А. Колибакин. Деятельность протестантских миссий в северо-восточной части Азиатской Турции, изд. Кавк. отдел РТО, 1885, с. 112.

¹⁶ «Մեղու», Գ. Պոլիս, 1862, թիվ 30:

¹⁷ Տե՛ս Լի՛լ, Հայոց պատմութիւն, նորագոյն շրջան, մասն 2, Երեւան, 1927, էջ 297-298 (Ճիռագրի իրաւունքով):

¹⁸ Օտար վարժարանները Օմանեան կայսրութեան մէջ գոյութիւն ունեցող այն կրթական հաստատութիւններն էին, որոնց կրթական, տնտեսական և կազմակերպչական կառավարման մէջ Հայ եկեղեցին եւ Հայկական այլ կառույցներ որեւէ մասնակցութիւն չին ունեցել: Մակարն օտար վարժարաններում

ների հաշուին՝ ստանալով նաեւ բարոյական աջակցութիւն եւ խրախուսում: Օտար վարժարանները հետապնդել են որոշակի տնտեսական, քաղաքական ու կրօնական քարոզչութեան նպատակներ: Առաջին հայեացքից նրանց գործունէութիւնը թւում էր անշահանդիր եւ զուտ մարդասիրական նպատակներ հետապնդող: Բայց իրականում իրենց երկրի մշակոյթը եւ գւաւանանքը տարածելու, ճանապարհով նրանք աշխատել են հնարաւորին չափ ստեղծել աջակիցների եւ համակիրների լայն ասպարէզ իրենց յայտնի եւ զաղտնի ծրագրերն իրագործելու համար: Ի դէպ, հայ համայնքի համար օտար վարժարաններ էին նաեւ Օսմաննեան կայսրութեան պետական վարժարանները: Հետաքրիբը է այն փաստը, որ թուրքական նախակլթարաններ (սիրեան եւ ռիւչտիչ) յաճախող հայ մանուկների թիւը հասել էր նուազագոյնի, մինչդեռ նոյնը չի կարելի ասել թուրքական միջնակարգ (իդաղիչ) դպրոցների մասին: Այստեղ հիմնականում սովորում էին այն հայ պատանիները, ովքեր հետազայում իրենց կրթութիւնը պէտք է շարունակէին օսմաննեան պետական բարձրագոյն դպրոցներում: Յաւօք, մեր ձեռքի տակ չկան համապատասխան վիճակաղործիւններ այդ վարժարաններում սովորող հայ պատանիների թուի, ուսման մէջ նրանց ունեցած առաջադիմութեան վերաբերեալ, չկան ստորյ տեղեկութիւններ պետական միջնակարգ դպրոցների կրթական համակարգի, թուրք ուսուցիչների մասնագիտական պատրաստուածութեան, քրիստոնեայ ուսանողների հանդէպ նրանց ունեցած վերաբերմունքի, դպրոցների ներքին կեանքի եւ բարոյահոգերանական մթնոլորտի եւ այլ կարգի այլ իրողութիւնների մասին: Այս ամէնով հանդերձ՝ հանրայաց ճշմարտութիւն է, որ մինչեւ ԺԹ. դարը եւ դրանից յետոյ ընկած ժամանակաշրջանում, թուրքիայում դպրոցական եւ կրթական գործը մզուած էր յետին պլան: Միայն ԺԹ. դարի առաջին տասնամեակներին երեւան եկան մզկիթներին կից առաջին նախակրթարանները՝ մեարեսէները, որտեղ մահմեդական հոգեւորականները (հոճաներ) երեխաններին սովորեցնում էին Ղուրանից բանաւոր հատուածներ եւ գրանաշութիւն: Աւելին՝ նախակրթարանների ըրջանաւարտներն իրենց աղքատիկ գիտելիքներով տարիներ շարունակ համալրում էին պետական բարձր պաշտօնական եւ հոգեւորականութեան շարքերը: Աւելի ուշ սուլթան

հայերը հանդէս են եկել իրեւ ուսուցիչ, պաշտօնեալ, մատակարար եւ այլ տիպի ծառայութիւններ կատարող:

¹⁹ Տե՛ս «Ծաղիկ», Կ. Պոլիս, 1892, թիւ 52, էջ 603-604:

Մահմուդի եւ սուլթան Մէջիտի օրօք, Հիմնուեցին քիչ թէ շատ կանոնաւոր դպրոցներ եւ մասնագիտական վարժարաններ (իրաւաբանական, բժշկական, զինուորական, դեղագործական, առեւտրական եւ այլն):²⁰

Թուրքիայում ԺԹ. գարի երկրորդ կէսին նշանաւոր կրթական հաստատութիւններից մէկը Կալաթա-Սերայի լիցէնչ էր (սուլթանիէ), որը հիմնադրուել է Կ. Պոլսում՝ 1868 թուականին ֆրանսիական միսիոններների կողմից: Այն գործել է ֆրանսիական լիցէնչի կրթական ծրագրով: Այսեղ տնօրէնը եւ ուսուցիչները հիմնականում ֆրանսիացիներ էին: ԺԹ. գարի երկրորդ կէսի քաղաքական ու պետական թուրք գործիչները մեծ մասամբ Կալաթա-Սերայի լիցէնչի ըրջանաւարտներ էին:

ԺԹ. գարի վերջերին Կալաթա-Սերայի վարժարանում սովորողների թիւը հասնում էր 550-ի, որի գերակշիռ մասը հայ պատանիներ էին:²¹ Վարժարանի նշանաւոր շրջանաւարտներից են մաթեմատիկոս Գէորգ Ասատրեանը, նոր դպրոցի գաղափարախոս Սմբատ Դաւթեանը, ճարտարագէտ Երուանդ Աղաթոնը, անուանի բժիշկ Ցակոր Ելմաննեանը եւ շատ ուրիշներ: Կալաթա-Սերայի լիցէնչի գլխաւոր նպատակը ֆրանսիական միսիոններների ազգեցութեան ոլորտի ընդլայման միտումն էր արեւելեան երկրներում:²²

Ֆրանսիական վարժարաններում ուսուցումը տարւում էր ֆրանսերէնով, իսկ օսմաններէնը, յունարէնը, երրայերէնը, հայերէնը եւ միւս լեզուները համարւում էին օտար լեզուներ, դասաւանդւում էին ըստ նախասիրութեան՝ շարաթական 2 ժամով:

Թէպէտ պետառթեան կողմից պաշտօնապէս արգելուած էր կրօնի մասնաւոր քարոզչութիւնը, բայց եւ այնպէս, ուսուցչական մարմնի կողմից, որի մեծ մասը հոգեւորականներ էին, անուղղակի ձեւով քարոզւում էր կաթոլիկ դաւանանքը:

²⁰ Տե՛ս 1. ԶՈՐՄԻՍԵԱՆ, Համապատկեր արեւմտահայոց մէկ դարու պատմութեան, Ա. Հասոր, 1850-1878, Պէտրով, 1972, էջ 502, նաև Գ. Ա. ՆԱԶԻԿԵԱՆ, Արեւմտահայ մանկավարժական միտքն ու դպրոցը (19-րդ դարի սկզբից մինչև 19-րդ դարի 50-60-ական թուականները), Երևան, 1969, էջ 23-24:

²¹ Տե՛ս «Ծաղիկ», Կ. Պոլիս, 1892, թիւ 52, էջ 603-604:

²² А. Д. Желиков, Ю. А. Петросян, История просвещения в Турции, М., 1965, с. 50.

Ֆրանսիական վարժարանի դռները բաց էին բոլորի առջեւ: Աշակերտակազմը խառն էր, բազմազգ, որն էլ վարժարանի նպատակի իրագործման հիմնական կէտն էր, մինչդեռ գաւառական քաղաքներում նմանատիպ վարժարաններում սովորողների գերակիւ կազմը հայ երեխաներ էին:

Այսպիսի նպատակառուղուածութիւն ունէին նաև ամերիկան միսիոնների հիմնած զպրոցները: Հէնց այդ պատճառով էլ արեւմտեան միսիոնների գործունէութիւնը գլխաւորապէս կենտրոնացուած էր կ. Պոլսում եւ կայսրութեան միւս խոշոր քաղաքներում, որտեղ նրանց հիմնած երկսեռ վարժարաններում սովորում էին տարրեր ազգութիւնների հարիւրառ երեխաներ:

Քաղաքի հարուստներն իրենց երեխաներին սիրով տալիս էին ֆրանսիական կրթութեան, որն առաջին հերթին արդարացւում էր ինչպէս գործնական նկատառումով, այնպէս էլ ֆրանսիական մշակովթի՝ իրեւ համաշխարհային քաղաքակրթութեան իրողութեան տեսակէտից:

Ֆրանսիական քաղաքակրթութիւնն արեւելքի ժողովուրդների համար մշակովթների երկխօսութեան անհրաժեշտ միջոց էր: Այս դէպքում ֆրանսերէնը ոչ միայն մշակութային, այլև պետութիւնների միջազգային յարաբերութիւնների պաշտօնական լեզու էր, քանի որ բոլոր խոշոր դրամատները, տարրեր ընկերութիւններն ու կազմակերպութիւններն իրենց վարչական թղթակցութիւնները, գրագրութիւններն ու տարարնոյթ գործակցութիւնները կատարում էին ֆրանսերէնով:

Այս առումով անշափ մեծ է եղել նաև ֆրանսիական մշակովթի գերակատարութիւնը արեւմտահայ կեանքում՝ քաղաքականութեան, տնտեսակիութեան, բժշկութեան, դրականութեան, լրագրութեան, մանկավարժութեան եւ այլ սասպարէզներում: Ինչպէս պետական կառոյցներում, այնպէս էլ կրթութեան ոլորտում բարձր պահանջարկ ունէին ֆրանսերէն լաւ իմացող մարդիկ: Հետաքրքիրն այն է, որ արեւմտահայ մտաւորականութեան մէջ գրեթէ բացառութիւն էին կազմում նրանք, ովքեր անծանօթ էին ֆրանսերէնին: Սակայն դա չի նշանակում, որ հայ երեխաները ֆրանսերէնի իրենց իմացութիւնը ձեռք են բերել միայն ֆրանսիական վարժարաններում:

Արեւմտահայ նշանաւոր զպրոցները, յատկապէս մասնաւոր վարժարանները գործել են ֆրանսիական զպրոցների կրթական ծրագրերով, որտեղ պետական (օսմաներէն) եւ մայրենի լեզուի հետ

Հաւասարապէս շաբաթական նոյն ժամաքանակով ուսուցանուել է նաև ֆրանսերէնը: Արեւմտահայ վարժարաններում օսմաներէնից յետոյ երկրորդ օտար լեզուն ֆրանսերէնն էր, յետոյ միայն անգլերէնը, իտալերէնը, իսկ աւելի ուշ՝ նաև գերմաներէնը:

Քանի որ ֆրանսիական կաթոլիկ միսիոներներն իրենց ծըրագրերի յաջող իրականացման կենտրոն ընտրել էին Կ. Պոլիսն ու կայսերապետութեան միւս խոչոր քաղաքները, ապա հայկական նահանգներում կաթոլիկ օտար վարժարաններն ընդհանրապէս աննշան թիւ են կազմէի: Այսպէս՝ Կարնոյ մէջ գործել է Կաբուչինեան իդական վարժարանը՝ 80 աշակերտուհիներով ու մայրապետներով: Նրանք հիմնել են նաև մէկ այլ իդական վարժարան, որտեղ հայ ընտանիքներից յաճախել են 150 աղջիկներ՝²³:

Այս վարժարանները գործել են կաթոլիկ միաբանութեան տնօրինութեան ներքոյ: Ֆրանսիական կաթոլիկ միաբանութիւնը կարինում հիմնեց Ս. Աստուածածին եկեղեցին եւ դրան կից բացեց գպրոց, որտեղ յաճախել են 200-ից աւելի լուսաւորչական հայ ընտանիքի երեխաներ:

Դոմինիկեան երկու հայագիր կաթոլիկներ (Ժակ Ռեթորէն եւ Դիւրլանը) Վանում հիմնել են եկեղեցի ու վարժարան, իսկ 1894-1896 թուականների կոտորածներից յետոյ նաև որբանոց՝ 30-40 որբ երեխաների համար:

Կաթոլիկութեան տարածման հզօր կենտրոն է եղել Խարբերդ: 1867 թուականին ֆրանսիացի կաթոլիկ միսիոներների ջանքերով այստեղ կառուցուեց եկեղեցի եւ միսիոներների համար ընակատեղի: Շուտով նրանց գործունէութեան կենտրոնը Ուրբայից տեղափոխուեց Մեզրէ, որտեղ նրանք փութաջանօրէն կառուցեցին եկեղեցի եւ գպրոց: Աւելի ուշ հիմնուեց Մեզրէի ֆրանսիական հռչակաւոր քոյչչը, որի ղեկավարութիւնը վատահուեց ֆրանսիացի կաթոլիկ միաբաններին, իսկ տնօրինութիւնը՝ Պիեր Ռաֆայէլին:

Հայագիտական առարկաների գասաւանդման դրուածքը քոյչում բարելաւելու նպատակով տնօրինութիւնը դասախոսական աշխատանքի հրաւիրեց Թլկատինցուն (Ցովհաննէս Յարութիւ-

²³ 1867 թ. ֆրանսիացի կաթոլիկներն այստեղ բացել են «Լազարիսթ» տղաների վարժարանը, որի տնօրինութիւնը հետագայում ամրողովին անցել է ֆրանսիական կաթոլիկների իրաւասութեան ներքոյ:

նեան): Նոյն նպատակով Խարբերդի գլուոցի համար Հրաւիրուեց Ռուբէն Զարդարեանը²⁴:

Մեզրէի Փրանսիական քոյէջն ունէր հզօր ուսուցչական մարմին: Այդ կազմում՝ նոդգրկուել էին ժամանակի նշանաւոր ուսուցիչմտաւորականները, որոնց մէջ իրենց բարձր պատրաստութեամբ եւ հայագիտութեամբ աչքի էին ընկնում ընագէտմաթեամախիկոս Պիեր Մարկը եւ Ֆրեիեթ Ֆերդինանդը: Աշակերտների թիւը քոյէջում համառ էր 350-ի, իսկ դրանց մեծ մասը հայ երեխաններ էին: Տեսական գիտելիքներից բացի, երեխանները սուանում էին նաև աշխատանքային դաստիարակութիւն: տղաները խորանում էին տարրեր արհեստների մէջ, իսկ աղջկենները սովորում էին ձեռագործ, ասեղնագործութիւն, ձեւագիտութիւն, կար ու ձեւ²⁵:

Ֆրանսիական վարժարանների ընթացաւարտներից շատերն իրենց կրթութիւնը շարունակել են բարձրագոյն կրթօջախներում՝ մասնագիտանալով բժշկութեան, գեղագործութեան, իրաւագիտութեան, ճարտարագիտութեան, մանկավարժութեան եւ այլ մասնագիտութիւնների մէջ: 1902 թուականին ֆրանսիական կառավարութեան նախաձեռնութեամբ Մեզրէում կառուցուեց եռայրակ յարմարաէտ վարժարան՝ ցերեկային եւ գիշերօթիկ բաժնում նքններով, որտեղ սովորում էր Հայաստանի տարրեր գաւառներից եկած 30 երեխայ:

Օտար կաթոլիկ վարժարաններ են հիմնուել նաև Մալաթիայում եւ Հայկական այլ քաղաքներում ու գաւառներում: Միսիոներների անսագաշտից չէր վրիպել նաև Կիլիկիան: Ժթ. դարի 80-ական թուականներին Այնթապում ֆրանկիսկեանները²⁶ հիմնեցին վարժարան, որտեղ սովորում էր 200 երեխայ: Բացի դրանից, նրանք 1886 թուականին Այնթապում հիմնեցին իգական, իսկ Քեսապում արական գլուոց, որտեղ սովորել է 100-ից աւել երեխայ:

Կաթոլիկութեան տարածման խոշոր կենտրոն է եղել նաև Մարաշը: Այստեղ Փրանկիսկեան կաթոլիկները հաստատուել էին

²⁴ Լ. ԶՈՒՐԴՍԵԱՆ, նշ. աշխ., էջ 506:

²⁵ Նոյն տեղում:

²⁶ Փրանկիսկեան, Յիսուսէան, Գոմինիկեան՝ ուշ միջնադարում ստեղծուած կաթոլիկական կուսակրօն միաբանութիւններ են, որոնք ծաւալել են միախներական լոյն գործունէութիւն:

դեռեւս ԺԹ. գարի 60-ական թուականներին։ Նրանց եռանդապին ջանքերով կաթոլիկ եկեղեցիներ ու դպրոցներ հիմնադրուեցին Այնթապում, Քեսապում, Բաղչշում, Դէռնկելում, Հասան-Բելլիում, Անտիռքում, Ենիճէ Գալէում եւ այլուր։

Աւելի ուշ՝ նրանք եկեղեցիներ, մայրապետարաններ, ժողովարաններ ու դպրոցներ են հիմնադրել նաև թողաթում (Եւղոկիա), Զմիւռնիայում, Բրուսայում, Տրապիզոնում, Նիկոմիդիայում, Պարտիգակում եւ հայշատ այլ քաղաքներում։

Ամերիկեան միսիոներների հսկողութեամբ բողոքականները Կարինում նոյնպէս բացել են երկսեռ վարժարաններ²⁷։ Կարինում եւ հայկական միւս նահանգներում բողոքականութեան գործունէութիւնը հիմնականութեամբ ծաւալուել է 1894-1896 թուականների հայկական զանգուածային ջարդերից յետոյ։ Բողոքական միսիոներները Կարինում կառուցել են հիւանդանոց, բացել են դպրոցապատարաններ, որտեղ ընդգրկուել են 150-ից աւել հայ մանուկներ։

1914-ին վերոնշեալ վայրերում գործում էր 174 միսիոներ, որոնց օգնում էին աւելի քանի 1200 տեղացի հայեր, բացուել էր 137 եկեղեցի։ Գործում էր աւելի քան 400 ամերիկեան վարժարան, այդ թւում՝ 8 քոլէջ, 3 ճեմարան, 46 միջնակարգ դպրոց²⁸։

«Հայրենիք»-ի համարներից մէկում Պարտիզակի բողոքականների կրօնակրթական գործունէութեան վերաբերեալ կայ այսպիսի հաղորդագրութիւն։ «Բողոքականներ կը գտնուին գրեթէ 72-75 տան չափ, ունին բաւական մեծեակ ժողովարան մը, ուր գրեթէ ամէն կիրակի խուռն բազմութիւն մը կը յանախի։ Տիրողը խօսքը լսելու համար։ Ամերիկեան Պորտ ընկերութիւնը հաստատած է գիշերօրիկ բարձրագոյն վարժարան մը որ կը պարունակէ 120-130-ի չափ աշակերտներ, որոնց 90-ը գիշերօրիկ են, որոնց մեծամասնութիւնը կը կազմեն մերայինք, ունին 5 վարժապետ։ Այս դպրոցը բաւական մեծ ծառայութիւն մը մասնուցած է պարտիզակցիներուն, նմանապէս շատ մը ընթացաւարտ տուած է որոնք գաւառներում ուսուցչութեան պաշտօնով կը պարտին, այս տարի եւս 8 ընթացաւարտ պիտի ունե-

²⁷ Լ. ԶՈՐՄԻՍԵՍ. նշ. աշխ., էջ 499։

²⁸ Հայկական հարց, Հանրագիտարան, Ե., 1996, էջ 30։

նայ: Զմոռնամ ըսել թէ բողոքական մօս օրերս մանկապարտէզ մը պիտի հաստատեն»²⁹:

Նոյն թերթը տեղեկացնում է նաև Պարտիզակի կաթոլիկ-ների գաւանաբանական-լուսաւորական գործունէութեան մասին, մասնաւորապէս նշելով, որ միաբանութիւնը թէպէտ ունէր նորակառոյց ժողովարաններ, եկեղեցիներ ու մայրապետարաններ, յարմարաւէտ քարուկիր վարժարաններ, սակայն բողոքականների հետ համեմատած ունեցել են առելի քիչ թուով համակիր-համախուներ. «... զրեք 15 տուն, ունին 2 վարդապետ եւ 4 մայրապետ, նաև դպրոց մը ուր կը յանախեն 60-ի չափ տղայ»³⁰: «Հայրենիք»-ի թերած փաստերը վկայում են, որ Պարտիզակում բողոքականները, իսկապէս, ծաւալել են կրօնական եւ լուսաւորական լայն գործունէութիւն:

Արեւմուտքի բողոքականներից անկախ հայ բողոքական համայնքները Հայաստանի տարրեր բնակավայրերում ստեղծել են իրենց ժողովարանները եւ զրանց կից բացել են նաև դպրոցներ:

Ինչպէս կաթոլիկ, այնպէս էլ բողոքական վարժարանները կրթական նպատակներից բացի ունեցել են նաև հեռահար նպատակներ՝ ամուռ երաշխիքներ ստեղծել բողոքականութեան հետագայ զարգացման համար եւ հայ բողոքական համայնքը մշտապէս հարստացնել նորանոր ուժերով:

Հայ բողոքական վարժարաններն իրենց վրայ ուղղակիօրէն կրել են ամերիկեան զպրոցի հիմնական ուղղութիւնների ազդեցութիւնները: Այստեղ մայրենիից յետոյ պարտադիր լեզու համարուել է անդրիրէնը:

Հայաստանում բողոքականութեան տարածման հզօր կենտրոններ են եղել Կիլիկիան, Խարբերդը, մասամբ նաև Խնուսը³¹:

²⁹ «Հայրենիք», Կ. Պոլիս, 1894, 12 յուլիս, թիւ 870:

³⁰ Նոյն տեղում:

³¹ Խնուսը՝ պատմական Հարքը, Հին Հայաստանի Տարօն-Տուրուբերան նահանգի ամենահին գտառներից է, որի մասին Ղ. Ալիշանը գրում է. «Խնուս եղած է նաև նախայոյն օքրանը, ենք է մեր դիւցազնահայր Հայկ նահապետը հիմնած իր առաջին նահանգը՝ «Հարք» (տե՛ս ՀԱՅՐ ՂԵՒԹՆԴ ՈԼԻՇԱՆ, Քաղաքական Աշխարհագրութիւն, բաղական Ակարագիր հայոց մեծաց, Վենետիկ, 1853թ., էջ 23):

ԺԹ. դարի 70-ական թուականներին Խարբերդի շրջակայքում՝ Խոյի, Հիւսեյնիկ, Խուլագիւղ, Չողէ, Բառջանչի եւ այլ գիւղերում հիմնադրուել են 20-ից աւել ժողովարաններ, որոնց կից բացուել են նաեւ դպրոցներ։ Առաջին համաշխարհային պատերազմի տարիներին ժողովարան-դպրոցների թիւը հասել է 45-ի³²։ Բողոքականները, սովորական դպրոցներից բացի, տարբեր վայրերում բացել են նաեւ կիրակնօրեալ դպրոցներ, որոնց առաջնահերթ նպատակը մեծահասակների շրջանում լուսաւորութիւն տարածելն էր։ Խարբերդում՝ իրեւ բողոքականութեան կենտրոն, հաւաքուել էր հայ մատքի ընտրանին, որը նշանակալի հետք է թողել դպրոցի եւ մշակոյթի պատմութեան զարգացման մէջ։ Նրանցից շատերը, հայկական վարժարաններից բացի, փայլուն յաջողութեամբ դասախոսել են նաեւ ամերիկեան, ֆրանսիական եւ գերմանական վարժարաններում, պատրաստել են հայ երիտասարդ մաւորականների վառահեղ սերունդ, որոնց, այդպէս էլ վիճակուած չէր իրականացնել գիտութիւնը ժողովրդին ծառայեցնելու իրենց ազգանպաստ ծրագրերը, քանի որ նրանց մէծ մասը նահատակուեց 1915 թուականին՝ ցեղասպանութեան դժբնգակ օրերին։ Նրանցից յիշատակենք մի քանիսին՝ Մ. Շմալոնիան, Տ. Լիւլէճեան, Ն. Թէնէքեճեան, Խ. Նահիկեան, Կ. Սողիկեան, Զ. Պուճիգանեան, Մ. Որբերեան, Գ. Պէշկիթուրեան Հ. Կարսապետեան, Խ. Պէննէյեան, Ս. Խաչատորեան, Պ. Ամիրիխմանեան, Մ. Ժամկոչեան եւ բազմաթիւ այլ շնորհաշատ երիտասարդներ, ովքեր քաջ տիրապետում էին օտար լեզուների, համայնադէտ էին գիտութիւնների եւ արուեստների բնագաւառում, ովքեր ունին բազում լուսաւոր գաղափարներ եւ երգում էին իրենց Հայաստան Աշխարհը տեսնել չէն ու բարգաւաճ։³³

ԺԹ. դարի 70-ական թուականներին վան են գալիս Բարենը եւ Ռեյնոլդսը եւ Վասպուրականում բողոքական շարժման սկիզբ դնում։ Այստեղ նրանք հիմնում են ժողովարան եւ դպրոց։ Ռեյնոլդսը զինուրական բժիշկ էր եւ չորս տասնամենակ վասպուրականում յայտնի էր նաեւ իրեւ միսիոներ։ Այդ տարիներին Արքեստանի հարաւարեւելեան մասում նա հիմնադրեց իր կենտրոնը։ Վարագայ լեռան ստորոտում կառուցեց դպրոց, ժողովարան, հիւսնդանոց, միսիոնների համար բնակատեղի, գեղատուն, արհեստանոց, գերեզմանատուն, մշակեց նաեւ բանջարանոց

³² Լ. ԶՈՐՄԻՍՑԱՆ, նշ. աշխ., էջ 498.

³³ Տե՛ս նոյն տեղում։

ու ծաղկանոց: Նա ամսվերապահ հեղինակութիւն ունէր Պորտ Կեդրոնում եւ այնաեղից ստացած գումարները բարեխողնօրէն ու պարտաճանաչ բաժանում էր տեղի կարիքաւորներին: Չնայած նըրան, որ Վանի Ամերիկեան վարժարանում տարիների ընթացքում կրթուել ու դաստիարակուել են բազմաթիւ հայ մանուկներ, այնուամենայնիւ, Վասպուրականում բողոքականութիւնն այդպէս էլ նշանակալի զարգացում չի ունեցել: Դա է հաստատում նաև Համբարձում Երածեանի Ծեխողղսից անձամբ լսած հետեւեալ խոստովանութիւնը. «25-30 տարուան մէջ հազիւ 40 անդամ շահած եմ: Եթէ դադրի անոնց հացը եւ պաշտօնը հազիւ չորս հոգի մնան միայն աննոնցմ»³⁴:

Բիթլիսում ընդամէնը եղել է 100 բողոքական, իսկ ողջ նահանգում՝ Տարօնում՝ 1200: Ամերիկեան միսիոներներն այսուեղ հիմնել են քոյիչ, ուր յաճախել է 130 աշակերտ, իսկ աղջիկների համար բացել են իգական վարժարան, ուր յաճախել է 80 աղջիկ:

Մուշում եւս բողոքականութիւնը սկիզբ առաւ ԺԹ. դարի կէսերին: Այստեղ 50-ական թուականներին հիմնադրուեցին ժողովարաններ ու դպրոցներ: 1894-1896 թուականների հայկական զանգուածային ջարդերից յետոյ բողոքականներն իրենց գործունէութիւնը ծաւալեցին Կարինում, իսկ Դիարբեքիրում բողոքականները կագմել են մի փոքր խումբ եւ դպրոցի ու կրթական շարժման մէջ կարելի է ասել, էական դեր չեն ունեցել:

Ակնում բողոքականները հաստատուել են ԺԹ. դարի 80-ականներից սկսած, ունեցել են 70 բողոքական, հիմնել են ժողովարան-դպրոց: Իսկ Թողաթում Նրանք հաստատուել են դեռեւս 1854 թուականին, հիմնել են դպրոց, ուր յաճախել է ընդամէնը 50 երեխայ:³⁵

Ամերիկեան միսիոներները բողոքական վարժարաններ են բացել Խնուս-Բերդում, Զարամիկում, Ջեւիրմէում, Խողիիսում, Ենիքէօյում, Բուռնազում: Քաղաքում բողոքականների թիւը եղել է խիստ սահմանափակ, նրանց մեծ մասը Բիթլիսից դադ-

³⁴ Հ. ԵՐԱՄԵԱՆ, Յուշարձան Վան-Վասպուրական, հ. 1, Աբեքանդրիա, 1929, էջ 296:

³⁵ Լ. ԶՈՐՄԻՍԵԱՆ, սշ. աշխ., էջ 499, նաեւ Գ. ՄՐՈՒԱՆԶՑԵԱՆՑ, Թորոս Աղքար Հայաստանի Բամբորդ, մասն առաջին, կ. Պոլիս, 1879, էջ 251, 253, 280 եւ այլն:

թած բողոքականներ էին, իսկ բուն բերդեցիները բողոքականութեան հետեւորդներ չեն ունեցել:

Հարամիկում բողոքականներն ունեցել են ընդամէնը 25-30 տուն, իսկ սրանց մէջ միայն չորս ընտանիք է եղել ընիկ գիւղացի: 25.000-ից աւելի հայ բնակչութիւն ունեցող կիուս-թերզաքաղաքում բողոքականութեան հետեւել է ընդամէնը 500-600 մարդ: Ինչպէս տեսնում ենք, այս թուերն այնքան էլ պերճախօս չեն, սակայն մի բան հաստատ է, որ Խնուսում բողոքականութեան շարժումը վերջնականապէս վերջ գրեց Թոնդրական աղանդին: Այդ մասին հաւասարում է նաև հետեւեալ վկայութիւնը: «Խնուսի մէջ բողոքականութեան մուտքով վերջ կը գրանք Թոնդրակնեցց աղանդը, աղանդաւորներու մնացորդները ըստ ամենայնի ծովելով բողոքականութեան մէջ»³⁶:

Հարամիկ գիւղում առաջին բողոքականը Առաքել Ցովհաննեսեանն էր: Ամերիկեան միսիոներների նիւթական օժանդակութեամբ նա հիմնեց ժողովարան-դպրոց, որտեղ դասաւանդում էին բարձրագոյն կրթութիւն ստացած քարոզիչ-քարժագետներ: Միմոն Դաւթեանը, Պօղոս Քարահատեանը, քարոզիչ Ցովհաննէս Բարպաղամեանը, Գարեգին Զիթճեանը, Ցովհի Պարոնեանը, Մատթէոս Հովհեանը, Արշակ Թութիւնչեանը, Թաղէոս Ղուկասեանը եւ ուրիշներ՝³⁷:

1871 թ. մայիսի 15-ին Կ. Պոլսում բացուեց Ռոռերտ Քոլեջը, որտեղ սովորում էին 17 տարբեր ազգերի եւ կրօնական 6 տարբեր դաւանանքների պատկանող պատանիներ: Այսեղ սովորողների գերազիւր մասը հայ երիտասարդներ էին: Ռւսուցման լեզուն անգլերէնն էր: Խորացուած ծրագրով ուսուցանում էին հումանիտար եւ բնական գիտութիւններ, բարելաւ հիմքերի վրայ էր գրուած նաև հայոց լեզուի, գրականութեան եւ պատմութեան դասաւանդման առարկայական դրուածքը: Ռոռերտ Քոլեջը իր յարմարաւէտութեամբ եւ համալիր շինութիւններով, աշխատանոցներով, ուսումնագիտական ժամանակից գործիքներով, առաջադէմ' յայտագիր-ծրագրերով եւ ուսուցչական բարձրորակ կազմով այդ լրջանում բոլոր օտար վար-

³⁶ Ե. ՄԵԼԻՔԵԱՆ, նշ. աշխ., էջ 32:

³⁷ Եոյն տեղում, էջ 31:

ժարանների մէջ համարւում էր կրթական առաջնակարգ հաստատութիւն³⁸:

1876 թուականին Կ. Պոլսի Սկիւտար թաղամասում բացուեց ամերիկան «Հոմ Սքուլ» իդական վարժարանը, որտեղ սովորում էին նաև մեծ թուով հայ աղջիկներ:

Նմանատիպ զպրոցներ բացուեցին Կիլիկիայում, նաև արեւմտահայ զաւառներում՝ Մուշում, Վասպուրականում, Պարտիզանում, Մարզուանում, Այնթապում³⁹:

Իրեւ բարեկարգ զպրոց աչքի էր բնկնում Այնթապի միսիոներական զպրոցը: Աստեղ ուսուցիչների մեծ մասը հայեր էին, որոնց շարքում իր մեղուածան գործունէութեամբ առանձնանում էր Ալեքսան Պէզճեանը: Նա երկար տարիներ դասաւանդել է բնական գիտութիւններ, տարրարանութիւն, հանքարանութիւն, բարձմաթիւ դասագրքերի եւ մեթոդական ձեռնարկների հենակ է⁴⁰:

1860 թուականին միսիս Փրաքթը ջանքերով Այնթապում բացուեց աղջիկների բարձրագոյն վարժարան, իսկ 1886-ին կառուցուեց զպրոցի նոր չէնք գիշերօթիկ բաժանմունքով: Վարժարանը պատրաստում էր ուսուցիչներ, կին քարոզիչներ, երիցուհիներ: Վարժարանի ընթացաւարտներն իրենց կրթութիւնը շարունակում էին Մարշի իդական քոլէջում: 1913-1914 թթ. զպրոցական շրջանում Այնթապի վարժարանն ունէր 240 աշակերտուհի, որոնցից 60-ը՝ գիշերօթիկում:

Միսիոներների կրթական գործունէութիւնը Այնթապում սկսուել էր զեռեւս ԺԹ. զարի 50-ականներին, իսկ այդ գործում իր եռանդուն մասնակցութիւնն է ունեցել նշանաւոր աստուածարան Ծնայրերը, ում ջանքերով 1854 թուականին Այնթապում հիմնադրուեց Աստուածարանական զպրոց, որը 1864-ին վերածուեց ճեմարանի եւ տեղափոխուեց Մարաշ: Այն ունէր 60 սան:

1874 թուականին Ալեքսան Պէզճեանի եւ Թրոպրիզի ջանքերով Այնթապում բացուեց Կեղրոնական քոլէջ, որն ունէր բրդշկական դասընթաց եւ հիւանդանոց, նրան կից գործում էր նաև երկրորդական վարժարան, որի տնօրէն նշանակուեց Ալեք-

³⁸ Լ. ԶՈՐՄԻՍԵԱՆ, Եշ. աշխ., էջ 510-511.

³⁹ Տե՛ս «Հայկական հարց», Հանրապիտարան, Երևան, 1996, էջ 333.

⁴⁰ Լ. ԶՈՐՄԻՍԵԱՆ, Եշ. աշխ., էջ 515.

սան Պէզճեանը: Ուսուցումը տարւում էր թուրքերէնով, դասագրքերը հիմնականում անգլերէն եւ թուրքերէն էին: Դպրոցն ունէր հարուստ գրադարան (1500 կտոր հայերէն գիրք), տպարան, կապմատուն եւ այլ կառոյցներ:

Հայ աշակերտները դպրոցում հիմնել էին «Երիտասարդ քրիստոնեաների» եւ «Հայախօսաց» ընկերութիւններ, իսկ շրջանաւարտները ստեղծել էին սպորտային եւ մշակութային կազմակերպութիւններ: Ուսուցիչների մեծ մասը հայեր էին, որոնց մէջ իրենց մասնագիտական պատրաստուածութեամբ եւ բարձր գիտելիքներով աչքի էին ընկնում Ա. Պէզճեանը, Ա. Լեւոնեանը, պրոֆ. Գրիգորեանը, Զ. Պէզճեանը, Մ. Փափախթեանը, Վ. Քիւրքչեանը եւ ուրիշներ:

1886 թուականին Մարգուանում հիմնադրուեց Անատոլիա քոլէջը, որտեղ սովորել են տարբեր ազգերի 550 երեխայ: Իր եռանդուն գործունէութեամբ աչքի է ընկել պրոֆ. Թումանեանը: Հետագայում յեղափոխականի պիտակով նա բանտարկուել ու դատապարտուել է կախաղանի, սակայն, արժանանալով կայսերական ներման, արտաքսուել է երկրից⁴¹: Կառավարական շրջաններում քոլէջը քաղաքական նկատառումներով համարուել է «գաւագրութեան կեդրոն»: Անատոլիայի քոլէջը գործել է Անթապի եւ Խարբերդի քոլէջների կրթական ծրագրերով: Ուսուցումը տարուել է անգլերէն եւ թուրքերէն:

Այդ շրջանում Մարգուանում գործել են նաև Ամերիկեան իգական բարձրագոյն վարժարան, խուլ ու համրերի գիշերօթիկ դպրոց, Աստուածաբանական ճեմարան, որբանոցներ, արհեստանոցներ, հիւանդանոց ու գեղատուն: Այստեղ հիմնականում գալիս էին սովորելու Ամասիայից, Թուղաթից, Կեսարիայից, Արարկիրից եւ այլ վայրերից հայ երեխաներ, որոնք ստանում էին կանոնաւոր կրթութիւն եւ անցնում ուսուցչական աշխատանքի եւ հոգեւոր ծառայութեան:

Եթէ փորձենք ներկայացնել ամերիկեան միսիոներական գրադրոցների զարգացման ընթացքը ըստ ժամանակագրութեան, ապա կ'ունենանք այսպիսի վիճակագրութիւն. 1863-ին Կ. Պոլսում՝ հիմնուել է Ռոբերտ քոլէջը, 1867-ին՝ Բէյրութի քոլէջը, 1874-ին՝ Այնթապի քոլէջը, 1878-ին՝ Խարբերդի Եփրատ քոլէջը, 1887-ին՝ Մարգուանի Անատոլիա քոլէջը, 1908-ին՝ Սեբաստիայի քոլէջը:

⁴¹ Նոյն տեղում, էջ 516:

Քերոսած վիճակագրութիւնը մէկ անգամ եւս փաստում է այն մասին, որ ամերիկեան միսիոներները ժթ. դարի երկրորդ կէսին եւ ի. դարի սկզբներին Արեւմտեան Հայաստանի նահանգներում եւ Թուրքիայի հայշատ քաղաքներում ծաւալել են ինչպէս քաղաքական, այնպէս էլ գաւանարական եւ լուսաւրական-դպրոցաշինական լայն գործունէութիւն։ Նրանք դպրոցներ են բացել նաեւ Պարտիզակում, Աստարագարում, Նիկոմիդիայում, Պրուսայում եւ այլուր։ Ուշագրութեան արժանի է յատկապէս Պարտիզակի բարձրագոյն վարժարանը, որի տնօրինութիւնը երկար տարիներ վարել է դոկտոր Զեմպլը։ Նա իր շուրջն էր հաւաքել հայ ուսուցիչների հեղինակաւոր մի խումբ, որոնց մէջ աչքի են ընկել Արմենակ Տէր-Յակորեանը, Տէր-Մտեփանեանը, Գասպարեանը, Եսագուգեանը, Մակարեանը եւ շատ ուրիշներ։ Այստեղ գործել է նաեւ աղջիկների վարժարան, որը հետագայում տեղափոխուել է Աստարագար եւ վերանուանուել է «Հայուհեաց վարժարան»։ Այն շուտով դարձել է տնտեսական եւ կրթական անկախ հաստատութիւն⁴²։

«Հայուհեաց վարժարան»-ը բացուել է 1885 թ. սեպտեմբերի 1-ին Աստարագարի Աւետարանական եկեղեցու առաջնորդ Ալեքսանդր Հ. Ճենիքեանի նախաձեռնութեամբ եւ Ամերիկեան պորտի բարոյական եւ նիւթական աջակցութեամբ։ Վարժարանի տնօրինութիւնը՝ իբրև ներքին տեսչուհի եւ գլխաւոր վարժուհի հրաւիրեց Պարտիզակի ամերիկեան իգական վարժարանի տեսչուհի Լորա Ֆարնըմին, որի ինդրանքով էլ Պարտիզակի ամերիկեան իգական վարժարանն իր վարժուհիներով եւ գոյքով փոխադրուեց Աստարագար եւ այնուհետ վերանուանուեց «Հայուհեաց վարժարան»։

Ա. Ճենիքեանի հաւաքած նպաստներով այստեղ կառուցուեց վարժարանի նոր շնչք, որը կոչուեց իր անունով “Alexander Hall”։ Վարժարանի նպատակը եւ ուղղութիւնը ի սկզբանէ եղել է։ «Հայ աղջիկներու տալ, դիւրամաշչելի պայմաններով միջնակարգ դաստիարակութիւն մը հիմնուած բարոյական առողջ

⁴² Տե՛ս «Էլոշմակ», Նիւ Եորք, 1911, մայիս 20, թիւ 20.

⁴³ Վարժարանի Աստարագար փոխադրուելու եւ այնտեղ հաստատուելու գործում մեծ է Ա. Ճենիքեանի դերը։ Վարժարանի հիմնադրման պահից մինչեւ իր մահը (1893 թ.) թէ՛ որպէս խնամակալ, թէ՛ որպէս տնօրին եւ ուսուցիչ մեծ եռանդով եւ անձնուիրարար աշխատել է վարժարանի բարգաւաճման համար։

սկզբունքներու վրայ եւ ասպէս յարմար՝ զարգացած եւ քարելիքը տանիքիներ եւ դաստիարակութեան գործին օժանդակներ պատրաստել»⁴⁴:

Միս Լորա Ֆարնըմը եղել է «Հայուհեաց»-ի հոգին: Երեք տասնամեակից աւելի նա մեծ նուիրումով աշխատել է զարժանի զարդացման եւ առաջադիմութեան համար:

«Հայուհեաց»-ը ունէր.

1) Նախապատրաստական բաժին՝ 3 տարուայ դասընթացով, որի ծրագիրը համապատասխան էր նախակրթարանի ծրագրին: Այստեղ դասաւանդուել է հայերէն, անգլերէն եւ նախնական գիտութիւններ: 1910-1911 թթ. դպրոցական շրջանում նախապատրաստական բաժինն ունէր 118 աշակերտուհի:

2) Վարժարանական դասընթաց՝ 4 տարուայ ուսումնառութեամբ, դասաւանդուել է հայերէն, օսմանէրէն, անգլերէն⁴⁵, ֆրանսէրէն, բնագիտական առարկաներ, գրականութիւն, հայ մատենագիտութիւն եւ պատմութիւն, տնարարութեան գործնական դասեր, կար ու ձեւ, երաժշտութիւն եւ այլն: 1910-1911 թթ. դրացական շրջանում վարժարանական դասընթացն ունէր 116 աշակերտուհի:⁴⁶

3) Վարժուհինոց՝ 1 տարուայ դասընթացով: Այն բացուել է 1909-1910 թթ. դպրոցական շրջանում: Վարժուհինոցի տեսչուհին միս Մ. Կալլն էր: 1910 թուականին վարժուհինոցը տուել է իր առաջին եօթ աւարտողները⁴⁷:

1885-1910 թթ. ընթացքում «Հայուհեաց»-ը տուել է 215 ընթացաւարտ, որոնցից շատերը համալրել են հայ ուսուցչութեան շարքերը եւ մեծապէս նպաստել են ազգային դաստիարակութեան գործին: «Կոչնակ»-ը, անդրադառնալով «Հայուհեաց»-ի 25-ամեայ դորժունչութեանը, սիրով արձանագրում է: «Հայուհեաց վարժարանը օրէ օր յառաջադիմնելու նամբում մէջն է: Այս տարի աշակերտուհիներուն ամրող թիւն է 234, որոնց 112-ը գիշերօրիկ են եւ 122-ը ցերեկուայ, թիւ մը որ երբեմ իր նախըն-

⁴⁴ «Խոչնակ», Նիս Եորք, 1911, մայիս 20, թիւ 20, էջ 492.

⁴⁵ Օտար լեզուների մէջ հիմնականը անգլերէնն էր, հոգ էր տարրում, որպէսզի իւրաքանչիւր աշակերտուհի վարժուէր յատկապէս խօսակցական անգլերէնին:

⁴⁶ Նոյն տեղում:

⁴⁷ Նոյն տեղում:

թացը ունեցած չէ: ...Վարժարանն այս տարի կու տայ 28 շըրջանաւարտ: Վարժարանի տարեթոշակն է 14 օւլ. ոսկիհ»⁴⁸:

1859 թուականին Խարբերդում բացուեց Աստուածաբանական վարժարան, որն ունէր 3 տարուայ գասընթաց: 1878-ից վարժարանը գործել է ամերիկան քոթչիի ծրագրով եւ ստացել է «Արմենիա» անուանումը: Այդ շրջանում «Արմենիան» ունէր 34 աշակերտ: 1885-ին կառուցուեց վարժարանի նոր շենքը՝ իր բնդարձակ համալիր շինութիւններով: Երեք տարի անց օսմանիան կառավարութեան յատուկ հրահանգով «Արմենիան» վերանուանուեց «Եփրատքոլչջ»-ի⁴⁹:

«Եփրատ քոլչջ»-ը 18 շնչերից բաղկացած համալիր շինութիւն էր՝ տղաների եւ աղջիկների առանձին բաժանմունքներով, զարոցական առողջապահութեան ժամանակակից բոլոր յարմարութիւններով, ուսուցիչների՝ համար յարմարաւէտ բնակարաններով, արուեստանոց-արհեստանոցներով, մարզադահլիճներով, գիտահետազոտական աշխատանոցներով, գրադարան-թանգարան-մատենադարանով եւ այլ կառոյցներով: Գրադարանն ունէր 7500 կրտոր գիրք (200-ը՝ հայերէն, 400-ը՝ թուրքերէն, իսկ մնացած 5100-ը՝ անգլերէն լեզուներով), ձեռագրեր, պարբերաթերթեր: 1889-ին հիմնուեց նաև տպարան, որտեղ տպագրուել են հայերէն եւ անգլերէն դասագրքեր: Աստեղ պլոտ. Կ. Սողիկեանի խմբագրութեամբ հրատարակուեց «Եփրատ» պարբերականը⁵⁰:

Քոլչջի հիմնադիրը եւ առաջին տնօրէնը լինելու պատիւը վերապահուած էր գոփարոր Հուլիսըին, որի 15 տարուայ ջանադիր գործունէութեան շնորհիւ դպրոցը գրուեց հաստատուն հիմքերի վրայ: 1895-ին դպրոցի տնօրինութիւնը ստանձնեց գոկտոր Գելթալ:

Դպրոցի նպատակը եւ ուղղութիւնը կանոնադրութեան մէջ սահմանուած է այսպէս. «Այս Գոլէնին գլխաւոր նպատակն է Քրիստոնեայ ուսումնական առաջնորդներ պատրաստել, եւ

⁴⁸ «Կոչնակ», 1911, մայիս 20, թիւ 20, էջ 493:

⁴⁹ «Արմենիան» իր առաջին շրջանաւարանները տուել է 1979-1880 ուսումնական տարում:

⁵⁰ Քանի որ թուրքական կառավարութիւնը Արմենիա բառի վերաբերեալ ունէր խիստ առարկութիւններ, հետեւաբար՝ 1888-ին վարժարանը վերանուանուեց «Եփրատ» քոթչի:

⁵¹ «Կոչնակ», 1911, մայիս 27, թիւ 21, էջ 514:

Քրիստոսի եկեղեցին ապահովել այն վարող ազդեցութիւնը, որ զանազան ազգի վերաբերող համայնքներու քրիստոնեական Քաղաքակրթութեան մը օրինութիւնները տալով պիտի արդիւնաւորէք»⁵²: Վարժարանի նպատակի այսպիսի սահմանումն առաջին հայեացքից թւում է՝ զուտ կրօնական ինդիրներ է հետապնդում, սակայն, երբ խորամուխ ենք լինում նրա ուսման բովանդակութեան մէջ, ակնյայտ է դառնում, որ դա միայն արտաքին շղարչ է, քանի որ գպրոցում լաւ հրմերի վրայ է եղել ինչպէս հայագիտական եւ պատմագիտական առարկաների, այնպէս էլ ըլնագիտական առարկաների եւ ճշգրիտ գիտութիւնների դասւանդման դրուածքը: Քոյէջը տուել է գրողների, մտաւորականների, արուեստագէտների փառահեղ սերունդ՝ հայ անուանի բանաստեղծներ Մկրտիչ եւ Ռուբէն Ռբերեկաններ, քանդակագործ Նշան Թութունճեան (Նշանիսուր), բժիշկ Հարէթ Փիլիպոսեան, երաժշտագէտ Սամուէլ Խաչատրենեան, բանաստեղծներ Ռուբէն Զարդարեան, Գարեգին Պեշկիւթուրեան), թատերագէտ Տօնապէտ Լիւլիճեան, պրոֆեսոր Ցովհաննէս Պուչիգանեան եւ շատ ուրիշներ⁵³:

Ուսուցչական մարմինը բաղկացած էր 7 պրոֆեսորներից եւ 17 ուսուցիչներից: Օսմաններէն եւ ընդհանուր պատմութիւն էր դասաւանդում պրոֆ. Ն. Թենեքճճեանը, աստղագիտութեան, բընագիտութեան, երկրաչափութեան եւ ուսողութեան փայլուն մասնագէտ էր պրոֆ. Խ. Նահիկեանը: Քոյէջում բարձր մակարդակով աւանդում էր հոգեբանութիւն, մանկավարժութիւն, փիլիսոփայութեան պատմութիւն, տրամարանութիւն եւ քաղաքական տընտեսագիտութիւն առարկաները: Այս առարկաների դասաւանդումը վստահուած էր համայնագէտ գիտնական պրոֆ. Զ. Պուճիգեանին: Հարոց լեզուի, գրականութեան եւ տարրարանութեան դասախոսն էր պրոֆ. Կ. Սողիկեանը, երկրաբանութիւն, թուրքերէն եւ աշխարհագրութիւն էր դասաւանդում պրոֆեսոր Մ. Արբերեանը, Փրանսէրէնի ուսուցիչը պրոֆ. Մարգուն էր, իսկ երաժշտութիւն (անսական ու գործնական) դասաւանդում էր պրոֆեսոր Ս. Խաչատուրեանը: Ուսման բովանդակութեան մէջ կարեւոր տեղ են ունեցել նաև կենդանաբանութիւն, բուսաբանութիւն եւ կենսաբանութիւն առարկաները, որոնք դասաւանդում էր այդ

⁵² Եոյն տեղում, , էջ 513:

⁵³ Տե՛ս «Բիւզանդիոն», կ. Պոլիս, 1902, թիւ 1720:

առարկաների գծով եւրոպական համարարաններում բարձրագոյն կրթութիւն ստացած Տ. Լիլէնեանը⁵⁴:

Քոլէջի շրջանաւարտներն ընդհանրապէս զրադուել են ուսուցչութեամբ, վաճառականութեամբ, քարոզչութեամբ, բժշկութեամբ, փաստարանութեամբ, երկրագործութեամբ եւ այլ մասնագիտութիւններով:

Քոլէջի կրթական ծրագիրը կազմուած էր չորսամեայ ուսուցման համար եւ ունէր հետեւեալ կառուցուածքը.

Ա. տարի՝ Կրտսերք (Freshman). Հայերէն, երկրաշափութիւն, կենդանաբանութիւն, անգլերէն, հին ազգերի պատմութիւն, օսմանեան գրականութիւն, Փրանսերէն ընթերցանութիւն եւ քերականութիւն:

Բ. տարի՝ Երէցք (Sophomore). Հայերէն մատենադարան, բընախոսութիւն, եռանկիւնաշափութիւն, թուրքերէն քաղաքացիական ծանօթութիւն, միջին դարերի պատմութիւն, բնագիտութիւն, անգլերէն քերականութիւն, Փրանսերէն ընթերցանութիւն:

Գ. տարի՝ Երիցցագոյնք (Junior). Հայերէն գրագիտութիւն, քիմիաբանութիւն, երկրաբանութիւն, նոր դարի պատմութիւն, Հոգեբանութիւն, մանկավարժութիւն, քաղաքական տնտեսագիտութիւն, անգլիական գրականութիւն, տրամարանութիւն, օսմանեան գրականութիւն, Փրանսերէն լեզու:

Դ. տարի՝ Աւագ (Senior). աստղագիտութիւն, ԺԹ. դարի պատմութիւն, բարոյագիտութիւն, քրիստոնէութեան ապացուցք, փիլիսոփայութեան պատմութիւն, թուրքերէն օրէնք, անգլիական գրականութիւն, Փրանսերէն գեղութիւն:

Ամերիկեան միսիոններները քարոզչական եւ լուսաւորչական գործունէութիւն են ծաւալել նաեւ Տարսոնում։ Այստեղ՝ 1888 թուականին, Յարութիւն Ճենանեանի ջանքերով բացուեց Տարսոնի քոլէջը՝ 16 աշակերտներով։ Ճետագայում քոլէջին կից բացուեց նաեւ նախակրթարան։ Հ. Ճենանեանի տնօրինութեան վեց տարիների ընթացքում սովորողների թիւը հասաւ 94-ի (հիմնականում հայ՝ 54 եւ յոյն՝ 40)։ Ուսուցչական մարմինը հայերից էր կազմուած։ Իրենց մասնագիտական պատրաստուածութեամբ եւ ուսուցչական բեղուն գործունէութեամբ աչքի էին ընկնում Հայկագեանը, Մինասեանը, Քիւթելեանը, Պոհճալեանը, Զաքրեանը

⁵⁴ «Կոչնակ», 1911, մայիս 27, թիւ 21, էջ 513։

եւ ուրիշների: 1913-1914 թթ. դպրոցական չըջանում նախակրթաբանում սովորող երեխաների թիւը հասաւ 122-ի, իսկ քոլէջում՝ 88-ի:

Ցարութիւն Ճենանեանը 1892-1893 թթ. ուսումնական տարում Գոնիայի գպրոցը վերածեց իր անունը կրող քոլէջի, որն ունէր 80 աշակերտ՝ 30-ը՝ գիշերօթիկ 1895 թ. Գոնիայի քոլէջի տնօրին նշանակուեց դոկտոր Արմենակ Հայկագեանը: Նրա տնօրինութեան 20 տարիների (1895-1915 թթ.) ընթացքում քոլէջը զգալի յաղողութիւնների հասաւ:

Այսպիսի բարեկարգ վարժարաններ ու քոլէջներ են ստեղծուել նաեւ Սվագում, Ամասիայում, Արարկիրում, Կիլիկիայի Հաճըն քաղաքում, Ռուֆայում, Մալաթիայում, Սեբաստիայում, Տրապիզոնում եւ այլուր:

Ցիշատակութեան արժանի է 1894 թ. Հաճընում հիմնադրը ըստած Ակադեմիան:

Ամերիկեան միսիոներների հետ մէկտեղ արեւմտահայ գաւառներում եւ քաղաքներում իրենց քարոզչութիւնն են ծաւալի նաեւ գերմանական միսիոներները, որոնց գործունէութիւնը յատկապէս աշխուժացաւ 1894-1896 թուականների հայկական զանգուածային ջարդերից յետոյ, երբ հարիւր հազարաւոր որբ եւ անապատան մանուկներ ու ծերեր իրենց գոյութիւնը պահելու համար Փիդիկական, բարոյական եւ սոցիալական աջակցութեան կարիք ունէին:

Այսպէս, եթէ արեւմտեան միսիոներների հիմնադրած նախակրթարաններում կրթութիւն ստացած հայերից ոմանք դարձել էին կաթոլիկներ եւ աւետարանչական քարոզիչներ, ապա պէտք է նկատի ունենալ, որ նրանցից շատերն էլ դարձել էին ուսուցիչներ, բժիշկներ, ճարտարագէտներ ու արուեստագէտներ, գրողներ ու բանաստեղծներ, փաստաբաններ ու իրաւագէտներ, ովքեր ոչ միայն խթանել են ազգային մշակոյթի ու գիտութեան զարգացման գործընթացը, այլև նոր թափ են հաղորդել գպրոցական գործին, լուսաւորութեանն ու կրթութեանը ինչպէս բռն Արեւմտեան Հայաստանում, այնպէս էլ Թուրքիայի հայաշատ քաղաքներում եւ Սփիւրքում: Հետեւարար՝ կարող ենք փաստել, որ եթէ այնքան էլ շօշափելի չէ նրանց կրօնական քարոզչութեան գործնական արդիւնքը, ապա բաւականաչափ մեծ է կաթոլիկ եւ բողոքական կրօնաւորներից նրանց ստացած եւ իրենց վր-

րայ կրած հոգու եւ մտքի դաստիարակութեան խոր ազգեցութիւնը:

Ինչ խօսք, սա վերջնական եզրայանդում չէ, այլ ընդամէնը անսակիտ այս հիմնահարցի վերաբերեալ, որն աւելի խոր եւ հանգամանալից ուսումնասիրութիւնների եւ լրացուցիչ նիւթերի առկայութեան դէպքում կը յանդեցնի նոր մօտեցումների ու պարզաբանումների:

Օտար վարժարանների միջոցով արեւմտեան մշակոյթն ու քաղաքակրթութիւնը մուտք գործեց արեւմտահայ իրականութիւն, նրանց կանոնաւոր կրթական ու մանկավարժական առաջադէմ ուղղութիւնների ազգեցութեան չնորհիւ նկատեիքորէն փոխուեց նաեւ հայ զպրոցը, որը ստանալով նոր շունչ ու ոգի, առաջին հերթին իր վրայից դէն նետեց միջնադարեան խաւարը, ազատագրուեց հոգու եւ մտքի կուրութիւնից չնորհիւ այն գիտութիւնների ու մեթոդների, որոնք աւանդում էին այդ զբարոցներում: Ուրեմն՝ սովորողների բարոյահոգերանական կերտուածքի վրայ գիտութիւնների ու արուեստների ուսուցումն աւելի մեծ դեր է կատարել, քան կրօնաբարոյական դաստիարակութիւնն ու դաւանաբանական քարոզչութիւնը:

Ամսինքն՝ կրօնադաւանաբանական գաղափարաբանութիւնից առաջել, հայ մանուկներն ու պատանիներն օտար վարժարաններում կաթոլիկ եւ բողոքական միսիոններից գիտութիւններ ու արուեստներ են սովորել: Այս հարցի առթիւ բաւականաչափ հետաքրքիր եւ արդարամիտ գատողութիւններ ունի Մկրտիչ Խըրիմեանը. «...Փողոցներու մէջ անտէր մնացած որբեր իրաւունք ունին ծողովիլ այդ մարդասերներ. երբ մեր մարդասերներ պակասում եւ կարող չեն այդշափ ահազին զնողութիւն անել: Վերցուցի՛ այժմ կրօնի խնդիրներ, զի այժմ ոգեպահիկ հացի ինդիր է յաղքանակող»⁵⁵:

Ամերիկեան եւ կաթոլիկ միսիոնների գործունէութիւնը հայ մտաւորականները գնահատել են ոչ միանշանակօրէն: Գնահատուել են նաեւ զրական կողմերը, որ ի յայտ եկան յատկապէս 1890-ական թուականներին եւ Մեծ Եղենի շրջանում՝ մինչեւ 1923 թուականը, երբ ամերիկեան եւ եւրոպական բազմաթիւ գը-

⁵⁵ ԳԱԹ, Խրիմեանի ֆոնդ, գ. 26.

թասէր, ազնիւ միսիոներներ անձնուիրաբար օգնեցին երիտթուր-քական քաղաքականութեան գոհ դարձած տարապիր հայութեանը⁵⁶:

Մատթէոս Մամուռեանը երախտագիտութեան բարձր զգացումով է գնահատել ամերիկուհի հայասէր օրիորդներ Գլիոնի, Ֆրամգերի, տիկին Նայլընի եւ այլոց գործունչութիւնը⁵⁷:

Այն, որ գերաէրութիւնները ամերիկեան եւ կաթոլիկ միսիոների գործունչութիւնը Օսմանեան թուրքիայում օգտագործել են երկրիմի նպատակներով, իսկ թուրքիան իր հերթին նենդամտօրէն այն ծառայեցրել է որպէս հայերի մէջ կրօնական երկպատակութիւն առաջացնելու եւ ազգային-ազատագրական պայքարը ճնշելու հօր միջոց, կասկածից վեր է: Այսուհանդերձ չըպէտք է անտեսել, որ նրանցից շատերը (Մ. Եակոբսէնը, Կ. Եփիկն, Կ. Փիթլըրտնը, Ա. Եռհանսոննը, Զ. Հորդը, «Կոչնակ»-ի խրմագիր, «Աւետաբեր»-ի տնօրէն Հերպեր Մ. Ալէնը եւ շատ ուրիշներ)⁵⁸ փաստօրէն մուսնալով իրենց կրօնական եւ քաղաքական առաքելութիւնը, խորապէս ուսումնասիրել են հայ ժողովրդի լեզուն ու մշակոյթը, ամբողջովին նույրուել են զպրոցաշինութեան եւ հայերի մէջ լուսաւորութիւն տարածելու գործին՝ քննադատելով նաև օսմանեան բռնապետութեան խստակարգն ու հայաջննջ քաղաքականութիւնը: Բացի զրանից, նրանցից շատերի (Եռ. Լեփախուս, Լ. Աբրոթ, Է. Լորինսոն, Ք. Բլիս եւ ուրիշներ)⁵⁹ հաղորդագրութիւնները, կազմած տեղեկագրերն ու նօթագրութիւնները թուրքական կառավարող շրջանների հայատեաց քաղաքականութեան վերաբերեալ, կարեւոր վաւերագրեր են ինչ-

⁵⁶ Տե՛ս Ա. ԳրիգորիսևԱն, Վ. ԲրունԵնցԱն, Զմիւննահայ կրթական-մշակութային կեամբի պատմութեան ուրուագծեր (19-րդ դարի սկզբից մինչև 1922 թ.), 2007, էջ 57-58:

⁵⁷ Տե՛ս «Արևելեան մամուլ», Զմիւնիա, 1897, էջ 468-471, 499-502, 1898, 558-560, տե՛ս նաև Ա. Ա. ՊօՅՅանեան, Պատմութիւն նոդուկիոյ հայոց, Գահիք, 1952, էջ 833-834, Մ. Գ. ՃեջՄէջնեսն, Խարբերդ եւ իր գաւակները, Ֆրեզնո, 1955, էջ 109-110, Ռ. ՊերՊերնեան, Մարդիկ եւ իրք, Կ. Պոլիս, 1885, էջ 222, Գր. ՆԱԶԻԿԵԱՆ, Արևմտահայ մանկագրժական միտքն ու դպրոցը, Ե., 1969, էջ 158-180, K. Sarafian. "History of education in Armenia", California, 1930, էջ 163-165, ՀԱՀ, Հաստ. 7, Ե., 1981, էջ 608-609 եւ այլն:

⁵⁸ Տե՛ս Հայկական հարց, Հանրագիտարան, Երեւան, 1996, էջ 334:

⁵⁹ Նոյն տեղում:

պէս հայկական հարցի, այնպէս էլ հայերի ցեղասպանութեան յուսաբանման համար:

Անկախ կրօնական նեղմիտ մտայնութիւնից եւ դաւանաբանական կոյր մոյեւանդութիւնից՝ պէտք է խոստովանել, որ օտար վարժարանները հայ մանուկների համար թէպէտ ոչ միակ, սակայն ընդհանուր առմամբ եղել են զարգացման ու առաջարդիմութեան հասնելու քիչ թէ շատ հնարաւոր եւ մատչելի միջոցներ թէ՛ իրենց սոտացած դաստիարակութեան եւ կրթութեան, թէ՛ հայ դպրոցի մէջ նորի եւ առաջաւորի ներդրման, եւրոպականը ազգայինի հետ չափարերելու տեսակէտից:

Թերեւս սա նկատի ունենալով է, որ «Բիւզանդիոն»-ը դարավերջի իր համարներից մէկում բարձրացրել է ընտանիքի, մօրու մանկան եւ ընտանեկան կենցաղի առողջապահութեան խընդիրներ՝ համեմատական գուգաղրումներ անելով հայ առաքելական եւ բողոքական եկեղեցիների այս հարցերի վերաբերեալ ունեցած պատկերացումների միջեւ. «Քանի մը տարի առաջ խընդրազիր մը կ'առաջարկեր, - զրում է Բիւզանդիոնը, - որ մեր եկեղեցին քեմ՛ն ժողովրդին պարզ առողջարանական բարոգներ տրին, բայց մեր եկեղեցականներն ատանկ բան մը ո՛չ կը խօսին եւ ո՛չ ալ խօսելիք ունին»: Մինչդեռ հայ բողոքական եկեղեցին կարեւորում էր առողջարանական զրոյցների, երեխաների խնամքի եւ այսօրինակ բազմաթիւ այլ հարցերի վերաբերեալ ծնողներին արժէքաւոր խորհուրդներ տալու անհրաժեշտութիւնը, թէկուգել «Տէրունական աղօքթի» հետ միաձոյլ. «...Պատուելին, - շարունակում է Բիւզանդիոնը, - «Տիրոքը խօսվին» հետ առողջարանական իրատներ կը խառնէ... հայ բողոքական կինն - իր լածէն եւ կարդացածէն օգտուելով - ուսումնապէս աւելի լաւ գիտէ մօր մը պարտականութիւնը, զաւակ խնամելու օրէնքներն եւ այլն»⁶⁰:

Ի դէպ, Բիւզանդիոնի ծրագրային նախագծերից մէկը «Կանանց լսարաններ» բաժինն էր, որտեղ պարբերաբար տպագրուել են կանանց դաստիարակութեան, կնոջ սեռական առողջապահութեան եւ հիգիենայի վերաբերեալ արժէքաւոր յօդուածներ»⁶¹:

⁶⁰ «Բիւզանդիոն», 4. Պոլիս, 1898 նոյեմբեր, թիւ 631.

⁶¹ ՏԵ՛ս նոյն տեղում, թիւ 631, 661, 669, 671:

Սրանով հանդերձ՝ ԺԹ. դարի երկրորդ կէսի հայ առաջադադէմ մտաւորականները եւ հայ ժողովրդի ճակատագրով մտահոգուած ժողովրդավարական ուժերը, ազգի տոհմիկ նկարագիրը պահպանելու անկեղծ մղումով նպատակադրուած, շարունակել են իրենց աննահանջ պայքարը արեւմտեան միսիոներների գէմ կեանքի կոչելով մեր Մեծ նախնիների կրթական աւանդոյթներն ու բարբերը: Կարեւորելով ազգային նկարագրի պահպանման եւ էթնիկական դաստիարակութեան անհրաժեշտութիւնը՝ հայ առաջադադէմ միտքը խիստ կասկածի տակ էր առնում օտար, այլադաւան կրթութեան տէր մարդկանց աշխարհաքաղաքացիական պատկանելութիւնը: Այս մասին «Մասիս»-ը համոզուած զրում է. «Անոնք գիտական հարևաննից տեղեկութիւններով միայն կը մտնեն հայ ընկերութեան մէջ, ուր պիտի ապրին, առանց հանաչելու իրննց տոհմին անցնալը, կեանքը եւ շատ անգամ լեզուն ալ...»⁶²:

Զարգը սրանով չի սահմանափակուել, քանի որ արեւմտեան միսիոներների ջանքերով բացուող զպրոցները, որքան էլ զրանք լինէին անցանկալի, այնուամենայնիւ, դրանց ցանցի ընդլայնմանը առաջին հերթին նպաստել են թուրքական կառավարող շըրջանները՝ հետամուտ լինելով իրենց շահագիտական նկատառումներին. նախ՝ գործել են հայ ժողովրդի միասնութիւնը խաթարելու եւ դաւանաբանական հակամարտութիւնները թէժացնելու նըպատակով, եւ երկրորդ, որն ամենակարեւորն էր, զպրոցական եւ կենցաղային նպատակներով կառուցուած յարմարաէտ շինութիւններն ու եւրոպական արդի ոճով համալիր շքեղ կառուցապատումները (կահ-կարասին, ուսումնանիւթեական հարուստ բազան, տնտեսութիւնը եւ այլն), ի վերջոյ, անցնելու էին թուրքերի ձեռքը՝ դառնալով հաստատուն կապիտալ:

Հետեւաբար՝ չի կարելի առանց քննադատութեան համաձայնել միակողմանի, երբեմն նաև գիտական հիմնաւորումներից զուրկ այն առաջարկեանը ու կարծիքների հետ, որ իբր թէ ամերիկեան, ֆրանսիական, գերմանական կաթոլիկ եւ բողոքական միսիոներների հիմնած կրթական հաստատութիւններն ընդհանրապէս ոչ մի լաւ բան չեն առել, գրականապէս չեն նպաստել սերնդի դաստիարակութեան գործին, չե՞ն իմթանել հայ երիտասարդին՝ այս կամ այն մասնագիտութիւն ընարելու գործում եւ զրա մէջ խորանալուն, չե՞ն օժանդակել լեզուների իմացութեան, գիտական, մանկավարժական եւ թարգմանական գրականութեան

⁶² «Մասիս», 4. Պոլիս, 1898, թիւ 3:

ստեղծման եւ հայ իրականութեան մէջ արեւմտեան քաղաքակրրթութեան տարածման գործին, թէեւ միսիոներական միարանութեան գործունէութեան բուն նպատակը եւ գործունէութեան ընդհանուր ուղղուածութիւնը, ըստ էութեան, մերժում էր բուն ազգայինը եւ ազգային գաստիարակութիւնը:

Այս խնդրի շուրջ կան տարրեր մօտեցումներ, տեսակչաներ, կարծիքներ ու բնութագրումներ, սակայն դրա պատմագիտական խոր վերլուծութիւնը եւ դիտական հայեցարանական արժենորումը առայսօր չի կատարուել, հետեւապէս չի տրուել նաև այս հարցի ճշգրիտ եւ անկողմնակալ, անաշառ գնահատականը, ըստ ամենայնի չի պարզաբանուել նրա դերն ու պատմական առաքելութիւնը ինչպէս բացասական, այնպէս էլ դրական արժենորման բնութագրումների տեսանկիւնով:

ՇՈՂԻԿ ՈՍԿԱՆԵԱՆ

The Missionaries and Their Educational and Enlightenment Activities in Western Armenia and Armenian-populated Areas of Turkey (1850-1920 A.D.)

SHOGHIK VOSKANIAN

(summary)

The general study that presents the second half of the 19th century and the first two decades of the 20th century of the Western Armenian schools and pedagogical thought will be incomplete if the elucidative-educational activity promoted by the Western Missionaries in Constantinople, Western Armenia and Armenian-populated areas of Turkey is ignored.

The importance of this issue is signified in the true fact that, next to tumbledown, dilapidated, miserable, poor and wretched school, are being built well-organized and splendid ones by the European missionary preachers, where considerable number of Armenian students received education with European values.

They chose Constantinople as the centre of the realization of their professed political planned ideas, because the selected society of the Western Armenian intellectuals were concentrated there. Taking advantage of such an opportunity of the inconsolable social-economical state of people, they founded comfortable and well-managed schools in Constantinople, in the provinces of Western Armenia and in the Armenian-populated areas of Turkey as well. Stirring up heated arguments in the sphere of religion they succeeded to divide the Western Armenian Catholics and Protestant communities by endangering their further unanimity and concord.

At the beginning of the 19th century, the Western Armenians did not have any dormitory schools available, a fact that missionaries took into consideration immediately and built such schools to educate the young with Western values.

It is absolutely clear that the Turkish government was content with the fruitless and unavailing struggle and religious incompatible arguments among the missionaries and Armenians because such conditions gave him the advantage on two fronts; first, it was an opportunity on one hand to cajole and coax the Western Countries and on the other hand to deflect and distract the Armenian pioneering thoughts from social, political and national-emancipation movement and struggle.

With the help of foreign schools, Western Culture and civilization penetrated into Western Armenian reality and cultural life and hence by influencing the educational and pedagogical advanced directions, the Armenian school considerably became different by getting new spirit and courage, and therefore they threw off the yoke of medieval illiteracy, got rid of spiritual and mental blindness due to those sciences and methods being taught at those schools. So, on the basis of the moral-psychological image of the learners the study of sciences and arts played a more important and significant role than religious-

moral upbringing and faith advocacy. It means that besides religious ideology the Armenian children and juveniles learned sciences and arts in foreign schools from Catholic and Protestant missionaries. Consequently, it is not just and right to agree one-sidedly and unilaterally without criticism with such viewpoints and ideas which have no scientific basis that the educational institutions established by the American, French, German Catholic and Protestant missionaries showed no preference, did not contribute to the upbringing of the young generation, did not encourage the Armenian youth in the noble cause of the professional choices, did not contribute to the study of languages, to the creation of scientific, pedagogical and translation literature and to the spreading of the Western Civilization in the Armenian reality though the main purpose and general direction of the missionary congregation activity essentially refused the very national upbringing.

There are different approaches and interpretations to this issue but its exact historical analysis and scientific estimation have not been carried out yet, therefore the precise and impartial evaluation of this issue has not been given yet, neither the role of its historical mission, positive or negative.